

**Romanchenko i Kharazishvili protiv Gruzije** <sup>1</sup>(br. 33067/22 i 37832/22), 18.2.2025.

**Povreda člana 8. Ek**

Podnositeljice predstavki su Ana Romanchenko i Nika Kharazishvili, gruzijske državljanke.

Predmet se odnosi na presretanje i snimanje telefonske komunikacije podnositeljica predstavki u okviru krivičnog postupka zbog navodnog planiranja prodaje 400.000 paketa cigareta bez akciznih markica.

Podnositeljice predstavki se žale da je presretanjem i snimanjem njihovih telefonskih komunikacija povrijeđeno njihovo pravo na poštivanje privatnog života i dopisivanja iz člana 8. Konvencije.

*Evropski sud je istakao da relevantno domaće pravo nije pružilo razumnu jasnoću u pogledu obima i načina korištenja diskrecionog prava dodijeljenog javnim tijelima, a posebno nije u praksi osiguralo odgovarajuće zaštitne mjere protiv različitih mogućih zloupotreba. U skladu s tim, postupak nalaganja presretanja i snimanja telefonskih komunikacija podnositeljica predstavki nije pokazao da je u potpunosti udovoljio zahtjevima domaćeg prava, niti je taj postupak bio adekvatan da osigura da miješanje u pravo podnositeljica predstavki na poštivanje njihovog privatnog života i prepiske bude u okviru onoga što je "nužno u demokratskom društvu".*

---

<sup>1</sup> Informacije su pripremljene u saradnji između Ustavnog suda Bosne i Hercegovine i Odjela za sudsku dokumentaciju i edukaciju Sekretarijata Visokog sudskog i tužilačkog vijeća Bosne i Hercegovine. Iste su informativnog karaktera i ne obavezuju Sud.